



盤洲文集卷第七十

疏文四十一首

乾龍節功德疏二

四月維夏有開甲觀之祥千歲為春遥罄華對之祝  
淵聖皇帝伏願橫流福物順履泰亨問寰野之塗復  
迴天步賜紫皇之藥增夢帝齡

丙丁統日瞻華渚之流光甲子疑年指大椿而齊壽  
淵聖皇帝伏願金仙助順琳札與齡重易六爻將利  
艱于美里受天百祿遂問道于廣成

天申節功德疏二

舒虹燦電日臨東井之躔巨地罄天人獻南山之頌  
敢憑蓬笠仰介槐楓恭惟

皇帝陛下高步皇衢重收帝載剝甲兵而不用隱旒  
纒以無為德及淵泉二儀與之比大功先祖禴六籍  
所不能談式對誕彌同祈難老伏願休符錫羨瑞謀  
歲筵壽考川增不數與三之夢本支舄奕有開則百  
之祥

赤伏闔符光啓中天之運朱期紀至叵逢貫月之辰  
裒淨宇之緇黃增祥輝于箕翼恭惟  
皇帝陛下詩賡瑞臆業濟時龍帝幄求衣常夙興而

聽政遑城靜析久宴閑以結盟慶河海之安瀾洽昆  
岳而被澤時哉震風人也謳陰伏願佛老護持乾坤  
長久繼天為子覆禹貢之山川夢帝與齡邁周王之  
壽考

天申節功德疏

天有三辰誕紀虹流之慶山稱萬歲爭馳鼇抃之情  
繡蓬貝之秘文介岡陵之曼壽

皇帝陛下伏願榮光旁燭福物未崇題南斗之長生  
等西方之無量舉蒼舒而去擣杵永振乾綱斷伯僑  
而後羨門遠超仙籍

天申節開啓疏

維賓數七和哉玉燭之時嵩嶽呼三清矣黃河之瑞  
仰憑梵貝少效涓塵

太上皇帝陛下伏願翕受頌聲橫流福物齊蹤遠古  
較堯舜以錙銖尚齒列仙笑僑松之呼吸

滿散疏

天有三辰宴紀虹流之慶山稱萬歲爭馳鼇抃之情  
窮貝藏之秘文衍楓宸之曼壽

太上皇帝陛下伏願榮光旁燭福物來崇瞻金闕之  
殊祥鼎來戩穀受王卮之綺祀永對騶謠

會慶節功德疏三

為天下君光啓蟬連之業祝聖人壽率同獸舞之歡  
虔叩梵宮仰祈恭筴

皇帝陛下伏願畢輳百福丕冒八荒何必學仙求蓬  
萊安期之屬自然享國遇高宗祖甲之年

非烟非雲騰神光而載夙如阜祈壽筴以同辭  
皇帝陛下伏願蓮相凝符貝編集福五帝足六已邁  
德子商周萬歲者三更垂鴻于箕翼

皇乾眷命誕明主以中興良月就盈增秘篇之上壽  
更憑寶梵用祝遐齡

皇帝陛下伏願聖與天通福如川至五十而莫父母  
益重舜德之華八千以為春秋共獻蒙國之頌

南華齋羅漢疏并序

紹興二十年十二月一日舟泊虔州夢至一古屋  
下忽街中水深沒膝不可出遂登屋行數十步有  
編大竹為高牆隨行人皆自彼下街予畏不敢進  
遂回復入屋下過一處如人書室有文書委池邊  
願尚有一介相隨予將出戶見隨行者取文書已  
盈抱予恐其外有人令弃之既出戶見堂屋下有  
數人坐于地以白輕紗為衣如深衣然柱間皆貼

紙盡人物予意其家有學畫者既過堂前見教房  
內帳幕皆是墨畫人物已過數間因駐足視之乃  
地獄罪人變相予方知是冥府復行入後廊下欲  
出無計因就地坐閉目誦佛覺有小介虫如大黑  
豆然綴粘衣上拂之不去忽聞人相笑聲遂開目  
復行諸虫自落直後有橫屋地形頗高最後簷際  
數尺見天如鑿山作屋地者互彼見其上有一僧  
屋下有火數十予問僧求出僧指云入穴中閉  
目即可出矣予問既出以何為報僧云何以報為  
予再扣之即云只齋羅漢亦無所費予曰當作報

誰僧云但言回施六親眷屬予入穴覺其中皆是沙努力以下頗如今之砌臺不覺捺平處而寤一夢入冥念欲歸之無計六親指路如已死而復蘇淨記當時之言屢修開士之供因仍攝事答謝愆期仰冀慈悲曲生歡喜

饒州歲會道場疏

南楚名邦盈鄺居之萬室暮春良日崇賽具于郡神  
歷甲子之一終繇戊辰之三會初心無怠大報益處  
掃寶刹以妥靈扣琳宮而徼福驅厲鬼兮山之左共  
祈奠枕之安祀盤庚于門之西那復濟惟之患式修

故事願出餘財

廣州獄空道場疏

五羊都會抵重罪者居多三院空虛傳昔年之未有  
仰真乘之庇護肅寶相以薰崇伏念此邦瀕於大海  
逐魚鹽於多槩易萌剽竊之謀雜蠻蜚于齊民常有  
聞爭之事誣是非于舛舌輕性命如鴻毛某自佩郡  
章不留庭訟念草艾獸獮豈仁政之宜為然莠養未  
傷即奸渠之浸長每厚情而用法不任意以逞刑仰  
憐好生敢令瘦死政非成子五月獄偶無于一人爰  
啓梵筵廣敷具藏技沉寃于既往嚴淨福以無邊伏

願慧劍解割于惡纏法炬開明于善地慈悲所化永  
無犢佩之群遠迹可封不必鼠墉之聽

廣州獄空道場疏

遐萌丕變浸銷囂訟之風幽圉屢空恙自法雲之覆  
適當開歲爰啓梵筵伏念某典郡于斯隄冬已再訪  
游禽于絕澗每戒深文鞠茂草于園扉游臻善効尚  
虞拊措之下或有搯牢之冤仰賴慈悲為之洗滌伏  
願刑章益措無重罪之繫囚慧力無邊躋斯民于壽  
域

廣州禱晴疏

田疇將獲既屢苦于愁霖鄺市無聊亦難營于飽食  
爰哀淨侶仰扣上靈伏願陰隲下民導迓善氣積霏  
解馭無翻手以為雲圓象清明遂舉頭而見日

謝晴疏

沉陰弗解寔懷苦雨之憂慧力無邊遂啓清暘之禱  
方鑪烟之上達已氛曠之四除恩則甚深報于何有  
更祈慈覆蓋庇含生

謝雪疏

五日為期即獲同雲之應千巖供白載瞻積雪之祥  
稽首陳詞齊心拜況尚微帝力終佑民編

禱晴疏

田家作苦惧雨勢之傷趁蠶事既登待日華而收繭  
惟霖淫之未已輒齋洗而有祈伏望淵鑒弗違積陰  
丕或副此下民之望賜之旬日之暘庶無偃仆之秀  
岐可以縱橫于巧織

謝晴疏

翻身為雲致織婦耕男之愁歎舉頭見臣快牛童為  
走之清明豈涼德之能然顧庖思而何報更期時若  
以及秋成

謝雨疏

踰旬不雨正懷旱暵之憂卜日叩閭即獲雲霓之應  
連縣甘露霑足多田吏逃失職之愆農有逢年之喜  
思將何報言不能宣天豈不違願終十雨五風之惠  
人之所欲庶底千倉萬箱之收

禱雪疏

歲聿云暮未瞻積雪之祥天且弗違願賜同雲之澤  
爰趨丹宇恭露赤情冀三白之應時免大陵之作冷

設廳請觀音禱晴疏

一秋常雨既屢控于禱祈十手大悲豈不憐其飢饉  
念多稼已傷而無幾顧耒趁未播而可憂倘霽霈之



弗休將流止而莫救敢迎妙相來想黃堂願廣布于  
法雲即盡驅于沴氣庶使提封之衆免渝葶野之凶

謝晴疏

叩蓮宮而禱請虔奉紺容掃棠舍以莊嚴敬披丹悃  
惟回天之有力能出日以開明解四境之怨咨副九  
衢之瞻仰慧光所燭願長運于慈悲遺秉可儲庶少  
扶子凍餒

水陸疏

千燈之叢一室不異一燈一月之照千江便成千月  
物理如是佛法固然伏念荆門頃遭亢會或家屠于

剽盜或命絕于凶年或折骸于竈觚鼎耳之旁或蹠  
血于車輪馬足之下豚無掩豆若教氏之鬼長飢爪  
不表犀冥溪君之冢何在既沉魂之未拔宜和氣之  
弗充凡此遺民殆非平日竹籬茆舍常濫餒之相驚  
白叟黃童亦四時之有疾欲求不盡之福迺肅無遠  
之遙伏望一切虛空四維上下廣大雲之法蔭同作  
証明變甘露之珍羞率令飽滿一郡得沾于樂果三  
塗泉脫于迷津仰冀覺慈曲垂洞鑒

芝山水陸疏

買山作圃雖久闕于歲時畫地種花已粗成于畦迳

念開鋤子積土或傷死于遺骸常懷不忍之心茲肅  
無遮之會伏願慧炬燭于潛壤法雲登彼沉魂使之  
捐蓬顆之居往生樂國于此飽伊蒲之饌永脫迷渾

金臺開堂疏

新會迺五羊壯縣金臺有諸佛道場須得當人式揚  
正法其人解第一義續無盡燈道既心傳何惜逢場  
作戲機能口伐未嘗把纜放舡而今踢倒淨餅休要  
橫擔拄杖請升倪坐為証龍羊

仁王請長老疏

舉拂白槌須是棒頭有眼尋枝摘葉盡皆雪上加霜

惟仁刹之道場迺羊城之淨社當求覺者為闡宗風  
某人末法津梁叢林耆傑迅機激電一喝可以接人  
挈行傳燈三閩端的繼祖願携鉢芥坐斷禪床莫辭  
辛苦遠來要看斬新拈出

請西竺長老疏

西竺近作名藍財去城一牛鳴外南方希有道眼誰  
進步百尺竿頭文室既虛真源曷振某人能判公案  
見許作家遠遊寂莫之濱全無荔苴之習幾年飛錫  
真箇得魚忘筌今日拈槌定不向空釘橛願聞一喝  
為破群迷

雲封長老開堂疏

斬丁截鉄須還本分鉗鎚摘葉拈花不脫前來窠臼  
欲宣妙旨允屬當人長老道價甚高叢林所許徹開  
闔揆笑它鈍鳥棲蘆不墜宗風真箇泥牛吼月此百  
粵踐蛇之境界乃六祖覆鉢之道場肯隨嶺上之雲  
為指庭前之栢要看橫說豎說見得竒哉妙哉

代為母還水陸疏

佛起慈悲之心隨緣必應人有呻吟之苦修善或除  
微十方賢聖之靈設三界冥陽之會伏念母氏嘗榮  
疾疾浸閱冬春三折肱而知為醫曾弗逢于良藥一

舉足而不忘母爰有禱于寶坊賴正覺之開顏致沈  
疴之去體是修淨供不違本心伏望一切虛空四維  
上下瞻十地坐蓮之相三乘皆具大乘聞五天譯貝  
之文一食為無量食咸生歡喜為作證明所願福德  
川增災殃冰釋數口保團樂之樂四時消坎坷之憂  
代為妻還水陸疏

居色界無色界之中爰纏未脫惟法聲非法聲所暨  
善報相隨嘗祈大力之尊願肅無遠之會已叨慈蔭  
敢替前言某昨以妻某氏欲火所然業山弗坦惟四  
大假合之妄未悟空花而十月滿足之時且臨坐草

不賴諸佛菩薩執憫一切衆生輒申合爪之私遂獲  
免身之吉偶微官之奔走致淨供之德違伏望三界  
冥陽四維上下來飽毗耶之飯同作証明預聞優鉢  
之香悉皆清淨所願分光慧炬蒙庇法雲滌曩夙之  
過郵崇來今之福利如是目如是緣如是果俾無六  
甲之虞歸依佛歸依法歸依僧更透一丁之喜

薦張正甫疏

萍蓬無定共嗟旅食之窮人琴俱亡忽見佳城之閑  
聊憑佛力少助冥途伏願洗滌宿塵除惡纏之煩惱  
濟登彼岸瞻寶相之光明

薦亡嫂趙氏疏

平生蘊德內外無有間言一旦邈幽俛仰已成陳迹  
追色辭而結想仗梵唄以洩哀伏惟出帝王之後而  
不習驕奢擅閨房之秀而能閑禮法獨居八載不踐  
二廷披寶笈而晨課有常受祕籙而齋居甚確世味  
真同嚼蠟道心可謂斬了故能一彈指間不覺三寸  
氣斷六姻無不相弔七日又復如馳伏願慈蔭雲深  
惡纏冰泮如露如電如夢幻夙悟斯言大雄大力大  
慈悲為躋彼岸

薦趙監廟疏

相從曩日夙期事業之成一訣終天孰謂死生之隔  
供存門之淨侶演貝葉之妙文有賴慈悲為崇福德  
其人襟靈開豁論議該通奧篇遠探于義農健筆仰  
師于韓柳出名家而延賞舊矣奉祠逢近屬之來歸  
釋然讓爵喜愠不形于色得喪莫累其心人之難能  
世所推重暨叅佛祖頓悟禪宗地水火風了覺此身  
之妄夢幻泡影豁起是觀之空念再世之契深在諸  
親而情厚忽聞音訃宋切哀悼不勝悲悼之私少伏  
莊嚴之助伏願濟慈航于彼岸分法炬之餘光善纏  
惡纏煩惱纏悉皆解脫我相人相衆生相益契真如

祖母周祥疏

日薄西山已愴含飴之遠律中南呂俄躋升穀之新  
頌暮制之云終想慈顏而如在惟是一心之痛不勝  
五骸之投仰慧炬以無邊度冥途而有助伏願幻塵  
席卷福海航安諸如來舌相廣畏遍覆色界非色界  
善女人耳根清淨常聞法聲非法聲

祖母忌辰疏

望斷新阡阻一官於千里悲纏諱日驚再見于三秋  
雖合瓜以有祈曾含飴之莫報仗願

同前

祖父遠忌疏

幻心未滅孰知空果之非祖武是繩久痛靈根之殞  
適臨諱日冢切哀悰伏願法雨霑濡迷雲開豁尋光  
見佛既不入于稠林如渡得船遂即登于彼岸

亡妣忌辰疏

職叨丞郡記弧矢於初生養缺循陔痛枉園而罔極  
適際俸幽之日不勝追遠之情伏願借潤智淵分光  
慧炬或因六十二見而造罪障盡得斷除不于三四  
五佛而種善根遂生安穩

寧海薦亡妣疏

我劬勞適至垂弧之地思其居處不勝吹棘之情

痛三釜以莫伸瞻六牙而有禱伏願慧燈分照法鼓  
聞音清淨諸塵起蘊麝名香之想濟登彼岸生蓮花  
寶座之中

樞第水陸疏

人生如寄興哀常棣之詩法力無邊徼福善提之路  
肅三界冥陽之會伸百年兄弟之情亡弟大資享壽  
不逮六旬邈幽已臨三七平生舉措或有誤於斯心  
厚夜沉淪恐未登于彼岸痛深同產誠和太慈淨供  
無逸共飽毗耶之飯惡纏悉解願歸兜率之宮  
諸子為母氏水陸疏

吹棘凱風痛益深于七子傷心素鞞禮遽決于三年  
永惟罔極之恩爰卜無遠之供亡妣頃嬰未疾奄弃  
浮生曜魄如馳驚再升於新穀枉園徒在愴久廢于  
長筵哀戚有終的勞曷報雖平生之積善恐人世之  
多愆致尚滯于迷津或未登于彼岸設三界冥陽之  
會徼四維上下之靈願賜慈悲曲垂拯拔法雲敷蔭  
盡解脫於鬼纏慧炬分光即徃生於樂國

盤洲文集卷第七十

盤洲文集卷第七十一

祝文五十七

台州謁先聖文

昔先聖之門以政事居文學科之右蓋能推惠浹民  
與區、鍤章彫句章端有間然某綴事詞林進汙群  
主之府便親露請來貳此邦而初試民政日夜惟念  
未能深燭厥理然罄心究精問可省否不敢少負所  
學効職之始是申祇告惟先聖監之

謁諸廟文

郡丞所以貳守一府之事寔閔掌焉某恪數道山私

請得外以來為是邦之佐雖心乎斯民不敢有負而  
初試從政大懼莫克赴責佩韋之初是用凜思控誠  
以祇見于祠下惟神尚佑之

造閣告土地文

昔下邳趙興每至官舍必移穿改築故犯妖禁而爵  
祿益豐漢史書之某附贅郡貳公宇仍幕寮之舊陋  
冗巨居獨東偏有地掌許因芟蕪榛莽作小閣焉暇  
日可以放目遠覽復廢蔬畦以植雜花而疏池其間  
以冀縱步徜徉之適陰陽家或以拘忌為言而延袤  
無幾不可避也取休大懼各築之非獲戾于上下神

祇是敢援趙興之事以請惟聰鑒其寬贖之

辭先聖文

某未更州縣條章弗之習再歲任職誦所聞不敢念  
其私偶逝吏議而去不敢不告

辭諸廟文

某佐州再歲于公無抄忽之補而一身免疾且不以  
罪斥得偕婦息問昔塗以歸神之惠我亦私矣更書  
有期陳酒拜祝

禱蒼山神文

昔王陽不度邛崃九折之阪遂成孝子之名某以文



遠謫亟欲歸侍避天台數驛之迂冒蒼山萬仞之險  
事與昔殊心乎其親則同也問塗未幾仍日之雨如  
注瞻空默祈賴之靈屏翳夕休溪殺其漲故朝得以  
涉進而止于茲山之麓而雲霧屯幕幕不見巔岫天  
光韜而未登念鳥道斬絕旁臨遂壑或雨興于上神  
艱于下盡室百有餘指將必有償越之患惟祈興哀  
終此大德

謝禹湖神文

家累千金不垂堂坐國有六職實禁川游故馮河而  
死者茲謂輕生而近墻不立者然後知命比浮一葦

遠絕重湖中流而遇風波雖噬齊之無及明神能出  
雲雨庶稽顙以能通爰瀆龍顏奠安鯨浪果獲監觀  
之助遂無淪溺之虞平昔萌心謂魯連之可蹈從今  
束手與范蠡以相忘瞻覆轍之在前乘扁舟而知懼  
非因噎而之廢食蓋吹壑所以懲羹敢尋前言輒邀  
雲駕物云不腆効祭獻之報焉意則無他異操蹄而  
祝者

祈晴文 已下二十七首係代廣師作

凜秋將半愁霖弗休穉者懷憂居者告病奔走丐既  
豈無明靈惟神之尊大庥此土願借威力一掃陰氛

時陽舒光吏得道責磬折祠下惟神臨之

謝晴文

下潦上霧積晴旬弗已民以為戚吏職其憂惟神聰  
明以歆答如響炉烟方布氛曠已清坐致謳吟一變  
窮慘神功如此豈望報乎洞酌揭虔以謝靈貺

祭勾芒神文

天子命我盡牧南海之民農人告予將有西疇之事  
念銅虎謹班春之職出土牛示嗣歲之期敢參明神  
以庇此土俾曰暘曰雨之若致如茨如梁之收

祭風師文

大塊噫氣扇物功溥入律之初祀事道舉五日應期  
無育無颶

祭南嶽廟文

暮春三月有司率故事並走于群祠惟帝之靈放于  
四海粵分寔有別宮焉庶幾徼福使瘴癘熄滅雨風  
節調民獲寧一而吏可以掄過惟帝其鑒臨之

祭南海神廣利王文

諸侯祭其封內山川古制也惟神築宮專祠實尸南  
海之戚休民之奉事虔不敢怠暮春之吉祀有常典  
庶幾徼神之福使瘴癘熄滅雨風節調民以佚居吏

得以揀過惟神其聽之

祭十賢文

惟公咸以抗節之舊流德南紀史民奉事久而益虔則公之所以庶于此土雖千百年猶昔日也春律之季祠以徼福

祭王中令文

某自廣易闕道出曲江謁文獻張公經祠而我外王  
大父列祀西室蓋公歛惠斯土雖數十百年烝嘗之  
禮不替某獲分餘蔭而幼失所恃棘風寒泉之思無  
一日忘也今瞻仰像貌愴然有感念瓦缺壁穿丹青

彫制遂以私錢諉邑官葺飭回陳牲酒之薦惟公其  
鑒之

禱南海神廟文

大凡一封之內神受命于天吏受命于君以分幽明  
之柄其責等也某材智無長濫受牧民之寄夙夜自  
勵靡敢留事今歷三時矣獨是盜賊未能滅心蠱化  
蓋此邦岸大海扁舟出沒易于反掌習俗相煽輕死  
抵法化之弗銷而刑之弗懲也是用齋洗露誠乞靈  
于神惟神之靈大福此土庶賴威力潛變愚民使之  
後悔自新不復為多楛大權之計山行海宿如出坦

塗吏責既逝而神之更生斯民施則甚博

祭勾芒神文

三載鞭春寧獲一牛之愛群心望歲甫興九扈之期  
微于明神監此洞酌願相賣刀之俗益侈求箱之儲

禱南海神文

嶺之東南雨暘不時炎涼互變烟風四起中之則病故  
遠宦者以瘴癘為憂某奉藩于此鞅掌簿書夙興暮  
休不無勞瘁衝冒之患而盡室數百指起居飲食安  
能自適厥中念非明神默相則何以弭災得吉今躬  
祠謁下是用私有禱焉庶幾仰借威靈之護使一門

長緝無呼醫問藥之事異時扶滿咸遂安歸則皆神  
之賜也瀝懇控誠神其鑒聽

秋祭諸廟文

秋灰斯飛季月琯兮人無札瘥嘿呻歎兮可以卒歲  
汗邪滿兮匪靈之祐曷臻此兮鳴鼗拊鼓崇報事兮  
物云不腆酒則旨兮春秋蘭菊芬兮繼兮不嘖以笑  
靈既來兮永庇我民後 哉兮

禡牙文

維年月日具官以青酌 福于軍牙之神國家仁  
民偃革不用邊亭十載無戰鬪聲有蠢叛黠嘯于章

貢憑陵城郭假息扇凶某把麾東廣寔總師衆皇帝  
有命發兵循潮往扞嶺阨用固吾圉以繕甲摩劔前  
茅有行典有禡祭不敢不虔勾神之佑覆其妖巢不  
煩接办蝗斧自無使逋誅貽恥于神急々如律令

祭南海廟

昔儂獠嘯凶長驅數郡鋒摩番藉禹使神之威不能  
搖毒遂響鐘鼓而斯民免蹠血之患綸函寵封以答  
陰相嶺以南戶知之惟神之靈放于四海豈限彼疆  
此界哉今章貢叛黜嬰城連三月矣生齒何辜淪胥  
塗炭天戈雲集未奏膚功公豈神能摧孽獠于前而

不能殪渠魁于今也施明靈以助王師左翦右屠毋  
俾假息鄰封洗兵則吾之境內益奠枕矣

祭勾芒神文

迓水官之御序告耕耘既飭之期出土偶以揮鞭無  
敵觥可憐之狀揭虔徵佑望歲祈豐鑿斯蘊藻之微  
賜以餘糧之喜

答祭颶風文

往歲夏秋颶風三作發屋拔木瀕海諸郡皆病之迺  
季秋月朔有赤青氣見于東方人指以為颶母越九  
日乙未箕伯扇怒濟以疾雨蓬勃之勢張甚惟前事

之可慮也。因齋心有禱，賴神之力，曾不崇朝，雨旰風  
迴，害弗及物。瀝酒以謝，吏其敢後。

奉告天王文

在天寶時，神能出威靈，有功于西域。始詔天下策祠，  
高墉今五羊，繕治城郭，念像設瞻，昧是知粉，飭及其  
畢功，瀝酒以告。惟神永庇我民，以捍外侮。

春饗諸廟

春律之初，農事繁興，馨爐瀝觴，格神乞靈。時雨時暘，  
無災風潦，瘳瘳消殄，五穀既好，神其賜之。指期以報，

禱東廟文

某游歲收人，賴神之力，穀稼昏熟，抱鼓稀鳴，得以採  
過而瘳，癘不作，民樂其生。往者顛黥，狐鳴嘗有禱焉。  
果得陰相，茲鈇摧毒，大庾以南，無遁迹蹂躪之患。某  
今去終更財八旬，浹說者謂閏終歲多瘳，敢繳終惠，  
使畫室數百指及期安歸，仰瀝丹款，惟鑒聽之。

立夏東廟祝文

每歲立夏，守臣承天子命，有事于廟。今祝冊及期，不  
至竊意，章貢道梗，奉之者或有失墜，不敢廢常。乏祀  
躬以犧幣，致告俟冊至，當嗣走祠所，惟神鑒察之。

秋饗諸廟文

秋箭且盡凡封內血食之祠有司稱祀之所以為民  
効西成之報也惟神庇之至于今矣說者謂逢閏必  
瘴念茹黃時惟不可不慮敢因報有禱俾無災無害  
左餐右粥優游衣褐焉則神之加惠我民有終矣

奉安南海王文

惟神以聰明正直<sub>庇</sub>民南海之民凡有疾病憂戚靡  
不奔走徼祐城之南有別宮焉比曰繕堞鼎新祠房  
而像設昏剥遂加崇飭練日之良安靈荐馨惟神有  
靈永福斯土

奉安十賢文

予城東北隅有屋數楹以列晉唐刺史十人之像皆  
有清節善政可以矜式後來宜世血食無媿偶因  
颶風瓦飛棟折非甘棠勿翦之意既新雉堞遂葺祠  
宇飭像設以吉日具牲酒再拜受靈惟神視今如昔  
永庇我民使踵後塵者無曠戕之責則所以報事益  
虔矣

奉安土地文

惟神有祠于守居之西實司此土而血其食久矣仍  
年以來楹楠漏罅風雨不除圖像默昧弗稱祭荐迺  
葺迺飾以日吉陳牲酒以告神其臨之

謝舫船風便文

大賈乘巨風往來蛟龍滄溟之中一瞬千里風稍失便則淪溺破碎不可抹非神相之安能布帆無恙今也歸檣泊步人免魚腹之葬而珍寶襲雜所以富國者甚腴則報可忘乎酒旨牲碩惟神鑒焉

廣州辭廟文

某庇官番禺行足三禩賴神之佑歲穰盜化使綿薄得還大何而私室衆累不嬰茹黃草青之疾今天子不以為不材復使治闕問塗有期陳牲酒以謝惟神終惠之

辭南海神文

某司南粵之印自秋涉春者三神職其幽某戩其明非神福之安能歲登盜草而訟希事理使得道護何之域其私則數百指之累老者康幼者遂所謂茅黃草青之瘴絕不復染今天子不以某菲薄材下復使司東粵之印戒行有日磬折謝况尚期長途終此陰相

荆門謁先聖文

某誦聖人之書垂四十年游宦之日居其半諛巧墜阨阨一紀家食始得臨民于一障不敢以遠且小而忽



之也班祿之初敢不祇告

謁廟文

某鴛猥無取冒恩典城實與神分幽明之柄其不能  
撫摩凋傷而徇已之私神當降之罰至若時雨時暘  
消弭疾癘神不可以不助之也

祈雪文

涉冬少寒天且不雨非時雪以鎮之則開歲必有癘  
疫之患方卜日致祈如已響答固嘗示繽紛之兆矣  
罄折以禱神其聽之

謝雪文

荆門不見雪距今四歲一禱而三日再白神之為賜  
大矣馨鑪滙觴何足言報

祭句芒神文

推天駟以觀祥不愆舉日出土牛而首事何惜碎身  
率屬乞靈為農祈穀願鑿汗邪之祝使歌華黍之詩

祈晴文

雨自暮春至今或歇或作三其月矣農雖得麥而不  
能暴也使腐為飛蛾是與不賜之收等耳神歆  
忍而不恤之耶

祭武安閔王文

其結髮讀史固已仰王之忠烈矣王泉窮山而精爽不鄙之至于今血食嶽降之日遠迤奔走猶生之年其貧不擇祿水陸之塗三千里而至此外有官事之責內有長釋疾病之慮引領企踵而心已馳于彭蠡之陽矣印綬所絆不得進拜祠下敢具卮酒以荐惟王其右之

徽州謁廟文

其奉 天子命易守茲土佩印之三日踵故謂于祠下神當時其雨暘消除水火盜賊疫癘之事以陰相于上私而不公神則殛之

麥秋矣雨不能至止則穢卧而損其收也蠶簇矣日不出則蛾將飛而繭無以暴也歟歲之後俟來楚以楸而紅女徒勞將無絲可買也二者垂成神不終惠何以彰廟食之靈也吏聞惟隍可罰可斥而民不可以不畀矜也

謝晴文

其以兩害蠶穀乃甲寅遲明奔走乞晴登車之始雨足未斷謁祠而返人已徹蓋不旋踵清風起于東北掃除重陰化蒸溽而清凉青天白日衆所瞻仰吏則不德何以感台惟神有大威靈日暘而暘如反覆手

危酒一肉何足拜况

謝雨文

歛在群山中厥土燥乾水不可瀕六七月之附十日  
不雨則閔：然有無年之憂越五月乙巳  
未已秀亡以趨澤方齋心滙辭將以癸亥拜  
乃壬戌之晝驟雨相仍黎明復有沛然之  
足人用欣然神有扈息何以言報

祈雪文

三冬屢有雪意或同雪而解或霰集而止或雨過而  
零去春不再旬若終無六出之祥則民必有癘疾吏

不敢默齋心乞憐惟神其相之

辭廟文

某倉臺旬歲無補秋毫茲蒙誤恩擢之即位且統軍  
賦于京口啓行有期拜况而去

鎮江謁廟文

某從事筆墨心計濶踈猥蒙誤渥督餉京口敷道出  
兵饋餉艱梗之與之罪惧不可逃仰祈陰相以濟國  
事涖職之始敢不告虔

奉安土地文

惟神職茲土舊矣廟宇下宰禱賽弗竭吏卒裒財一

新楹栢偶有土木之役因畫徹旁屋稍遷爽塏得日  
妥靈敢薦薄具

辭廟文

某給餉二年偶迺大譴天書橫及俾歸班列具舟將  
行拜况于廟

紹興謁文宣王廟文

某罷政還里方省愆咎誤息遽及東守稽山滌篆之  
初敢以敬告

謁諸廟文

某受命守藩涓辰泚篆仰徽陰相敬薦清觴

禱廟文

東儲有疾天子是憂並走靈祠式祈陰相有司奉命  
即日投誠願垂推佑之慈遂近康寧之福

諸廟祈晴文

閏秋淫雨殆且盈旬矣多稼垂成而壞之宜不重可  
憂也神之血貧于此久矣其忍不拯之耶變陰為晴  
易于反掌奔走乞靈惟神其聽焉

再祈晴文

揆辰爰禱僅逾數日之晴改月連陰復苦半旬之雨  
天時若此歲事奈何敢迺再瀆之非期救一方之患

謝晴文

七八月之間旱蓋為常歲之憂五一日至于旬連有  
愁霖之害嘗控誠禱遂開積陰願終賜于鑒臨俾無  
傷于刈穫

辭廟文

某守越踰年曠官是惧上章引疾拜命奉祠言歸有  
期滙觴以謝

盤洲文集卷第七十一

盤洲文集卷第七十二

祭文三十一首

祭錢仲文

公之種學朝夕耘羅書教萬比節差鱗日游其間  
辜芳茹芬發為詞章鳳隨龍筋律古作者刊落腐陳  
與臺郊島甲乙淵雲一第恩公逸翮弗振黑頭掛冠  
瑩莫可塵結廬巖河松菊稱賓我辱葭葦寓公桑枌  
升堂請疑倒屣傾囷浦思山哀倡玉賡坻公不我鄙  
再三沐薰春榭秋畦一美同醮雄辨劇談舌本津  
我官中都別始分公遊天台率歲之春返旆過我

繾綣情親我歸江東歎與參辰聲翼再來新詩逾勤  
復命未幾哀計已云悲哽填膺而汝繽紛耳言其在  
手墨方新如何一訣蘭銷芝焚千里飛觴侑以斯文

祭熊承議文

惟公德寓金昭玉溫相佯竹素言涉其津芳風清埃  
籍、榆枌含徽韜曜非此其身幸我有子得雋金門  
贊治名城擢象夸銀起家甚休榮章逮親文階六進  
式峻朝紳循咳自南彼蘭之芬我贅別乘公行文人  
承顏一再談緒相欣天乎嗇年奄忽徂泯枳棘薦毗  
此情楚辛有醒既旨有饌既陳魂兮其來是將有聞

祭亡姑文

往者伯祖官會稽姑淪耒疾年方筭寧川有兄叔棘  
棲臺墓蕭寺久不治猶子監郡行縣時一觴未奠垂  
涕洟仲氏使節閩川持歸骨故里終可期魂之來兮  
其有知

祭董萃伯文

挽髮識面忘形定交寓君梓里尺五誅茅徒步造門  
握手適郊有唱必和軸瞻牛腰女弟擇配占吉鳳文  
締好申盟投漆以膠我歸故鄉判別袂神臯君官鄰  
郡緋徊擇賦曹仰事大官心降尻高自我不見霜視

五瓢書札方翮忽尋里蒿矣我好及撫膺號咷嗚呼  
哀哉君之嗜學如食面饗君之騁辭執則風騷植性  
和粹志操昂霄謂宜六轡馳騫天朝近不得年羹本  
先凋藐尔孤女無子承佻天則不仁直士蒙妖雅  
語言疑、風標想象平生劇心以刀鳴呼哀哉陽山  
河兮迢迢望殯言兮寂寥酒歎奠兮弗親魂之去兮誰招

祭王侍郎文

送、華胄太原之王代有賢牧流芬五羊若現在齊  
僧孺在梁鎮之在宋方慶在唐並載清德如水而霜  
我公是似奕葉相望銅虎其符金犀其章鷄始鳴矣

坐公黃堂粵俗苟且吏具無綱訓狙警鼯束馬轡韁  
奉贖序進流汗怖惶避萌發戶扭習獷強繩以周索  
燭察隱藏滅心繫化善者相慶夙寇多裝出洲入洋  
草薶畬猶商有肖航官府丕變中原之御豆區釜鍾  
一其槩量緇黃宣淫化偶歸良冥漠旅骸相從高岡  
盲風怪雨昔害今祥卓然治行赳赳龔黃謂宜賜重  
歸鶴鷺行太歲在己豈事之常仁人必壽寬哉彼蒼  
某姻連之舊來踵門墻自公之疾視劑披方同戚賓  
僚從容諸郎窮夕不寐冀公小康吁不昨祉弗際扁  
倉溫乙初言表露肺腸今不聞矣心焉遇銳縮酒泄

哀魂其案嘗

祭王侍郎文為大人作

往在政和伯父執憲公締華姻弛擔授館我于是時  
蓋傾初面其後尊攬轡王畿屈大文人博奕同嬉  
公于是時數會鮮際泊我出疆金陵話別半世來歸  
公持使節迎我過我尉藉契濶我謫真陽公休豫章  
儀揖河墻閱世笑凉公來問疾不改故常扶昏之鎮  
控蠻輯燬帝私遠人起公來殿孰謂此生握手再見  
紛、市道及面羊心交親落窵恨其未深不有君子  
寂寥義襟兩州相距道羸十舍水泐陸來憧、日夜

咸曰南鈞無如此者小大斬、遵矩守宿姦菟慝  
有刻無藏鯨波馘盜鷁首叢商佛宮沈、立祠以繪  
天書當來悞失所賴鬼憎對方委魄荒外公昔唁我  
我今弔公死者丘首生者途窮清酒一慟瘴氣改容

為大人祭家叔文

半世漠北聲聞中睽王畿再見使節喜持共君里社  
娛慰相得永日一枰佳特五白我落矣方君歸自閩  
謂宜翔迅尚燁吾門吾門微矣天鏃長翮未疾不起  
九原永隔海中一漚今散昔浮惟君了、超然孰儔  
改轅未期棺不得撫寓哀陳觴老淚飛兩



祭王侍郎文為景陽作

臺領之南獠登錯處漢氏初郡風移推踞五管今二  
廣為大府瀛波拍笑大將之淵民徂素習聲不可鑄  
竒貨衝艘彼貪者泉清朝得人方慶之後象軸錦池  
褒綸溫厚我公聞命北面拜手人曰我公盍官中都  
此瘴癘鄉推人所居公曰不然異天地乎維舟所賴  
輿輻隄領印浮曲江猿狖之境它人怖畏公一不省  
開府佩章有帶其棠事紛如蝟窺罅扶藏治如京輔  
不陋其荒孰為官非閣法遵例孰為吏非偷墮委靡  
孰為民非恬強使氣孰害于教僧有疇已孰逋于盜

囊橐巨空孰美子市衡斗不一曾未一年刮剗群弊  
奎嬰加額曰見之未野鳥嘯凶昊天降厲嗚呼哀哉  
某高門自出又奉良姻盛德未報遠訃忽聞約束行  
李前輅靈輶慈親生瘍夙莫嘗藥夫難是丁志負曩  
昨搏膺長慟寓此河酌

家叔起靈祭文

竹林就荒今十旬兮升堂開卷聞無聞兮塵留玉塵  
蔽蒲茵兮引脰訴天寬吉人兮黃墟陰宮既新兮  
翩其丹旒遡良辰兮淚落入尊格歸魂兮

又代叔祭文

雲呈、兮含幽葉吟、兮輸愁多靈整兮將駕指潛  
闈兮高丘蹇難忘兮語言掩韋編兮淚流酒在尊兮  
命酌魂其來兮毋逝

又代嫂祭文

嗚呼夫家則叔戚黨維私嗟悲風之殞燭目六印以  
無期聆弱女之譽、泣相對乎孤嫠孤兔將與為鄰  
永不必夫故極駐素膝而進酒尚髣髴其中之

又代弟祭文

霜風掠、吹我高原有寒者鴝鏃其長翼茂松之下  
維彼靈丘卜云其滅祖載有日寤寐平 叢悲中腸

昔酒是陳靈其歆

祭趙安人文

惟靈婉、商門德稱柔嘉作儷宗英采蘋澗涯事許  
壽姑蘭獻其葩謂宜秀眉眼榮六珈忽兮即冥豈概  
以紗痛摧孝女慈感童牙嗚呼哀哉某等同僚君子  
好或通家講聞壺範承訃興嗟沃觴祭悵匪物之華

祭從祖弟景楊文

嗚呼景楊君旅食而枕疾兮不克謂醫而間砭竟委  
骨于它邦兮櫬奠憑而視斂復遠葬于異縣兮阻臨  
穴而送窆企雙衣而寄心兮酸攬腸而中慄我方哭

季父于徃秋兮君又逝三泉而奄，曰吉人必有後  
兮何斯言之不驗百年其猶一夢兮君曾不比夫伸  
欠嗚呼懷君堅白之辨雄兮與呼盧之氣瞻較牙籤  
之寡多兮證金狼而抱槩儀得縑以底信兮屬白至  
使磨玷挹快閣之夜光兮涉家園之春艷 我以珮  
璫之鐘兮琥珀住而甚醜或泛鷁于蘭汀兮或聞鷄  
于茆店乘小馳而焱馳兮汗漿流于僮僕戎策蹇以  
殿後兮衣紛披而巾墊躡羽人之木路兮聞樵夫而  
席占雜詼諧與譎誚兮儻願聞之激灑已矣乎俯仰  
皆陳述兮空盡然而結念惟君百懷之 辰兮燎方

揚而息皴若倚桐未材而枯摧兮六博中道而墮整  
期簡吉以下君兮筮則逆而竟厥遂齋恨以過隙兮  
誰造墓而挂劔清淚寫如鉛水兮沃單盂而反沾

代難老祭景揚文

嗚呼給事之後四子三孫各為單了旁無它昆我也  
不天庇叔之尊叔逝下世弟復不存何知奇禍萃汝  
一門莫、蓋高誰能叫聞知與不知填悲悼冤弟之  
秀發自比璵璠謂宜亢宗視鴻而軒云倚折羽不脫  
丘樊念我與弟如親在原交歎終鮮倡荒和埴惟仲  
之春我方北轅弟出餞我宿郊步園曾不逾時此無

來魂仰空一慟聲不可吞昔謀結廬共依收垣我歸  
名匠弟且祭塋圖未乾墨耳猶在言不廢同築以奉  
堂萱弟有四男黃口之鵠經紀分憂俟其冠昏廟  
素旗往潛荒村靈有知乎來歆此樽

祭朱仲舉文

昔歲入嶺如故于新蘭言可久草味同薰飲我連篇  
以玉易珉回車班荆銷南浦魂曾不數月歸全遠聞  
令我來思瘴茆再春省念陳迹攬腸受辛嗚呼哀哉  
濯、英韻如孔翠珍白袍者紛勇倍氣吞戰藝京師  
再屈益振少寄一第必驩二親盈才慳壽匪今一人

埋志孰從長吉元賓薄醜寫哀尚何如云

祭梁侍郎文

赫、東州人士冠冕有峰梁宗昂、通顯自我宋興  
按武鳴珂幾人鴈塔三冠甲科再世秉鉤前卷後何  
人門之懿籍甚薦紳高山喬嶽枹杞盤根淑氣所鍾  
代有偉人惟公之英相臣之子早據要津聲落人耳  
龍飛白水遂執羈勒密依日月康侯畫錫時方外訂  
俾鎮方面鳩義燂結剗磔丕變帝念久外俾還中都  
少貳夏官將柄斗樞忽嬰沉疴退卧漳濱十年間鑿  
養氣順神期訃忽馳孰不驚聞嗚呼哀哉惟公蘭玉

策翰墨勲久矣定交寅緣登門杯酒通家情同懿親  
曾不披霧負心曲寓文清酒恨此蜷獨

祭從兄難老文

嗚呼自我還鄉同兄之居朝言夕語緒吳琴書暇時  
杯酒奕博投壺雜以笑謔朋友之如自兄它徒恨不  
數見相過必歎不忍背面兄既卜築仍復鄰牆日贊  
鳩僦彼棟此梁曰有鳩梅封之後堂朱欄彫砌日以  
輸香有舞有歌樂未渠央我來炎方餓我雙港密北  
帆南別愁分兩方春之秀得冬日書盈紙諄諄詢我  
歸歎曾不旬浹訃音忽至校得書時兄已下世天胡

不仁文此良器弁衣孔單不能漬浹嗚呼哀哉自大  
王父遂分兩支夕拜之後別駕繡衣繡衣父子繼踵  
九泉別駕早殞兄又不延三房孤娶衰經參同行道  
感傷有此灾凶惟我連蹇官心已灰謂其接踵杖屨  
之陪羣從凋落孰相往來逝者之憾存者之哀數千  
里隔參辰則近病不問伏歛不撫襯衾其酸辛痛如  
受刃流聞卜兆石潭之陽尚期言歸以送定藏嗟  
難兄人琴俱亡

祭節提舉妻恭人文

稟生高門林下之秀鳴鳳其昌移天協絲承姑竭孝

紛悅夙興春秋廟祀藻潔馨馨恭上接下間言斯寢  
淑行柔性宗姻所稔邑開湯沐崇對魚軒謂宜鶴髮  
壽考百年嵐重霧染遂嬰况痼疴疴劑弗良奄至大故  
嗚呼哀哉某寅緣官侶通家結驩妻孥相從如至親  
然自聞警裝方惜遠別忽馬降厲填此悲咽酒旨于  
鵠食豐于豆再拜靈幃文以為備

祭呂教授母夫人文

生于高族作嬪儒門禮度中攝職謹蘋馨梅蘭比行  
有淑其德里社姻連指為壺則擇鄰誨子露蘋祠林  
望我莫存情好方深遂悲棘風奪其慈母式陳一觴

莫盡悽楚

衆官祭節恭人文

倚欣夫人名儒之後典訓克嫻女德之茂作儼君子  
見謂宜家言采其藻居約去奢事姑如母逮下以慈  
鍾禮肅法克兼有之恭佯舉按賢過斯織顯、壺羹  
聞者仰則載崇寫誥未啓國封天不與終豈數之窮  
嗚呼哀哉某等借潤使臺並列賓案獲聞懿範如古  
所載忽傳倖幽悼興于心羅俛縮酒尚其未敬

路祭呂母文

嗚呼夫人有子未冠名馳頃次芹水攝空蓮池論議

卓詭文采陸離金蘭耐久情比墳席以子之賢知其  
母儀髮髮既剪括園已非吉士嬰蜀僚用集悲汎彼  
行舟次河之廣素旗翩、遠哉其歸既醴以較庶幾  
中之

同寮祭呂母文

早服圖史之訓克恭蘋藻之職御閑範其礼法宗族  
稱其慈和金社流光芝玉相映及見其長策勲詞壇  
正伸三釜之養遽起蓼莪之悲某等定交賢息並游  
蓮府登堂之拜未遂就木之訃已聞漬酒素幃悲不  
能上

路祭節恭人文

質蕙兮行蘭礼容兮德音倏忽兮縹幽怨天兮新年  
作嬪兮君子三歲兮使還端著兮探筮日吉兮時涓  
靈衣兮塵翳總帳兮素筵美擅兮罔途寄舟兮江干  
薤露歌兮鉞椀飛旒兮翩、薦誠兮有較莫盡兮悲酸

象官路祭節恭人文

風吹空兮沉寥出雲屯兮椽之朝睇前山兮霧擁搖  
敗黃兮瘴茆悲夫人兮四德俱卜嘉耦兮名儒湯沐  
兮石窠崇華兮軒惠忽積痾兮弗瘥惜不遭兮更跼  
開靈氣兮辰良橫去舟兮江隅挽丹旒兮再拜頌薄

敬考生身

祭羅權郡文

惟君有克然之學而發為絢然之文有粹然之德而見諸隱然之仁色不形于愠喜交無間于故新研更讀之靡察寃下情而諄々故人皆知其為做德君子而政見稱于遠方齊民惟平生之蹈景幸逾年之同寅偶旁郡之闕守擇賢者而拊循當問途之詔別見君意之悲辛謂金蘭之分篤廼暨々于臨分何期嬰此沉痾高生死于斯辰驚訃音之聞耳屑哀涕之紛紛竟絆驥而弗展鏃風翻于乘雲望靈輶之戾止寓

哀慄于一尊

衆官祭羅通判文

惟公瑩窻種學足用三冬泚筆成文有作者風登名鴈塔騰譽儒林牛刀小試卓魯銷聲遂駕星屏益宗厥稱遠佐南海人仰盛德寃心吏事何枉不直攝麾新昌少借循良遐萌相欣召交南陽仁者必壽孰詢彼蒼嗚呼哀哉其等或以游宦同君子寮或以道義結金石變弥年相從見謂傾蓋河梁銜杯黯然而邁期以數月擘舟相尋暇集承塵遂聆訃音失此吉人誰不悽惻世哀斯文有淚濡帛



祭韓推郡文

嗟、少汲黜負軼才學耕文獲績美中台人避劇煩  
君曰我願蚤欣外臺聲埃滯題題洽中興絆驥未展  
攝麾端俟治如幾旬燭杖隱藏貪悞敗弁慈父冀謠  
吏具丕變暫臨恩平飲惠昏賀天不仁遠子服兆甌  
昔者桂林實始識君相示肺肝似蘭斯薰謂宜振翮  
乘凌高雲齋志盛年訃駭初聞厚終恤孤矢心古人  
斗酒則菲攬酸莫云

衆官祭韓推郡文

惟公有痛人之才見施于為政有汲古之學見許于

倫等器利盤錯牛無肯綮銖兩藏奸免不可幸民于  
額而感惠吏重足而遷行故康息兩州之治獨寡二  
于五領問千里之長途庶齧鄰之一聘嗟秀木之摧  
風遡泉之臺夕景嗚呼哀哉某守金蘭心叶膠漆情  
親懷話言于疇曩狎杯酒之殷勤昔公之別渌波翻  
鄰今以柩來瘴邦復春樓淚目腫文不緊悲再拜一  
酌公其中之

墓祭韓推郡文

儒采兮雅言分索兮弥年彼蒼兮穢良芝焚兮蕙歎  
瞻名父兮柱母有善政兮羞眉揚芳兮耀遠傳循吏

兮不刊朱明兮換律瘴草兮荒烟寄遺骨兮南紀俟  
後人兮謀遷想平生兮樓哽漬薄酒兮潸然

又同寮祭文

嗚呼尺波電謝今昔同悲嗟我古人而止于斯遺愛  
在民崇菱四郡較德松銘方來傳信有夜者臺有潛  
者隧理玉南荒執友攬涕魂兮歸來歆此一暇

盤洲文集卷第七十二

盤洲文集卷第七十三

祭文三十首

路祭胡提舶母文

商颺急兮飛塵捲陰、兮晝昏寒泉之思兮孝子飛  
旒啓兮悲哉夫人惟夫人兮以子貴墨紫誥兮鸞迴  
厥紙使節煌、兮甘旨鶴髮壽眉兮含飴受社忽嬰  
疾兮天降厲問瓊苑兮既辰掉犧兮江濬喝松霰兮  
楚挽陳薄酸兮悲萃

衆官路祭文

惟靈訓服圖史職共蘋蘩婉德君子禮法之閑篤生

時英乘使者車雞鳴問安有榮板輿瓦眉黃髮人仰  
壽母忽兮染病悲哉題湊秋云暮矣凄其以風靈輶  
呵塗指舟之中再拜一轅瘴氣變容

祭梁尚書文

惟公有剴鯨理劇之才而彰于盤錯有裕圖富民之  
術而見諸施為主計文昌錢流地上摘伏京兆道不  
拾遺出殿价藩章善績天奪懿德朝露易晞嗚呼  
哀哉其諾仕之初得選寮案猥叨賞接軫其匱窮契  
濶東西白頭如故未展豪芒之報驚聞彫落之音飛  
淚荐誠文不泄意

祭陳安撫父文

惟公隱曜合和里評冠月季祉賢嗣詩禮飽問拾芥  
巍科颺聲崇路里華方伯昂貴未央告弟出綸屢榮  
潛墜某效官東治雙表是經鄉之吉人遐想高躅况  
官侶之好情篤鯉庭豈隻鷄之詞不如昔者磬折以  
薦靈其格思

祭黃提刑父文

惟公德比五溫鏗采家食挺生哲嗣允蹈義方高折  
蟾枝飛聲烏府三持使節仁西炎州察印之榮哀  
未艾某官東粵道途佳城鄉之儒先欽想遺範矧鯉

庭薦嘗察之好豈鷄酒嘿前人之詞荐此十誠恨不  
躬酌

代祭張右相母夫人文

卓哉夫人天稟淑姿紛恍竭孝圖史鳴徽婉德名門  
和法鍾礼言采其蘋湘之奎綺篤生真儒為天下霖  
忠高洗日望藹桐參義方有訓幼與擇鄰訢相中  
茲惟嚴君丞相在朝夫人西來皇帝異恩以駟騎催  
帝謂吾相思奉板輿却武奏即日報起居為母之榮  
瞻前寡語二鸞誥疊封貂冠虞侍燕及孫曾芝玉競秀  
黃髮有詩如魯壽母萱凋夜色蘭罷晨馨天乎禍集

聞者涕零素旗搖在湘之陰一束生身千里馳心

祭程叅政文

番水潛番山鬼偉人輩出未光三台英我公  
天荒始開五行一覽七略兼該筆精墨妙穿月掀雷  
發名首科垂斗之魁咫顏前席任無良媒高驥夷路  
汗跼駕駘迺立端坳帝墳以裁迺土左掖比綸火哉  
迺侍經幃蘊杖秦灰迺拜夕闈疏入天回迺啓北扉  
博花聰槐迺榦榘機廟謨是陪身退甚勇夸綉畫朱  
婆娑家林如綠野裴歲在淵獻道變九垓天子改紘  
注想實材再三辭疾札書日催入參揆路妙運陶坏

沛乎魚壑匪夕豈梅七期棟隆博求榘根人期儒效  
布武熙臺云胡不愨美疾行災誠占子服厲過黃龍  
嗚呼哀哉某等旅進詞壇皆下才拔三得一指珉  
作瑰綢繆光接且輓且推永懷評目有覲息魏哀  
吾州者舊凋摧义夫鉅公泰山之頽訃驚遠近謠輟  
提孩德容永高芳燭塵埃饒登于俎醴陳于罍一嘯  
三窺辭不盡哀

祭熊運使文

嗚呼天有間氣上為列星攬其光芒人以文鳴濯  
我不番川之英乎翻五車撐柱賜膺召泓進穎散綺

敷瓊旁觀辟易三嘆同聲迴游木天迴儀永廳雅宜  
為誥以續六經孰不拭背看公鼓行彼柄國者濁亂  
渭汪廟荐康瓠周鼎非馨卷其黼散光逆山扁鷄羣  
退步鵠侶尋盟彫鏤月露鞭逐風霆能人紀事孝子  
永銘作八分字是四裔名荒涼愚溪呼柳不鷹申吊  
湘纍專鄂之城才高數塞參恨千齡藥傷蘇枯春在  
雙旌毗歌于途聞者耳盈三綬若封提舊京謂移  
嚴名為公為鄉恭惟鄉耄杖翼後生飲以昂齎私其  
且評章然遠來密倚澄清遽聞駟訃淚墮心驚輝沉  
詞伯來者孰程短章大篇歸之六丁滴漢水旒舉

舟輕三尺所闕一觴莫傾抽哀漉禮式寓寸誠

祭方金壇文

嗚呼五羊襟期首末四年清尊列舞短韻大篇無款  
不同無句不朕非疾非夕不相弁捐情無猜隱如兄  
弟然分携八載小牘翩々開春季月我官畿內聞君  
旅食搖心晤對我方入郭君已言邁君知我來停無  
返旆欣然一見歲寒不改我况君還悵不款會曾未  
再旬而棺已蓋終天遂訣承顏弗再嗚呼哀哉君有  
家學得之青箱君有遠識論議軒昂區剖萬事語塞  
在旁胸中汪渭餘子參商平生友爰追隨鴈行連佐

莫府不游異方盤根未試銛鋒匱藏元昆換節君必  
階歸仕以此淹校考頊逐年過四十小選甫離得邑  
白金半刀割雞裴回一壑尚遠仄時天忽降戾疾未  
可醫我亦訖隣同盟者希史共莫逆有過誰規矚首  
總帳曷日循題飛文矢哀淚若綆縻持荐卮酒君其  
中之

祭鎮江都統張少保文

嗚呼狂胡猾夏燃臍自亡孰乘此機恢我故疆公提  
將符慷慨誓衆韜略家傳膽有餘勇胸山之圍胡騎  
雲集疾馳援兵蒙犯暑濕火伊覘虛石礮奪險神助

積雨霑者為整塵兵之比如風掃葉還溥冥渠人畜  
相躡追奔卓橋振旅舊屯不增鹵獲咸以實聞踰淮  
治堡由歸縉屬假之歲月犁庭可卜得疾馬土遂在  
膏肓將星夜隕誰不悲傷我搃軍須周旋連日促膝  
高談壯懷激烈望公藥喜何期永訣清酒弔廬攬涕  
如屑

祭王樞密文

惟公挺、英樽鄰川之望字木千尋擢秀青嶂洞然  
胸宇議論宏放高騫月窟為諸儒倡入判五花辭推  
哲匠火護坤維願指百將再來禁瑣帝呼輩行印綬

名、棧三亭而逆登壽嶂日吐忠謹沛乎縱壑倚以  
為相黃能作厲邈魄潛壤宸衷震悼一鑑淪喪嗚呼  
哀哉某夙講清塵近接鄉鄰官路背馳參辰道仰代  
匱掌制晚依翰長賓塔屨登契越疇曩問疾半旬宛  
其長往敬酌一觴奠展悲愴

衆從官祭王樞密文

惟公道苞墳素材冠倫魁軒然儀表籍甚清埃頃人  
帝城奮趾麟臺東掖西垣燕許大才夢刀作牧馭叱  
邛昧干茲昏契一節復來禮文野蕪議論天回起草  
玉堂號令風雷榮陟宥地光並三台石畫嘉謨丹宸

虛懷倚以栢國舟楫益梅忽嬰沉痾梁壞山頽某等  
武接蔓龍談城屢陪涸見肝鬲中無疑精半旬不面  
逝永傷哉饒潔于俎酒登于壘瞻樞一慟文不寫哀

祖廟焚黃祭文

某人品凡下無所取材蒙被德蔭浸叨兩地始入西  
樞以得卹典追賁祖廟某印組所拘無因躬至松楸  
之下謹以太子太傅黃告道一俾弟某止家以告伏  
望垂光委祉益燾其後

稱廟焚黃祭文

某材智驚劣無以過人蒙被慈訓叨竊儒科入朝僥

幸浸躋映仕三釜不伸每深痛慕始入翰苑繼擢宥  
庭皆有密章增飾稱廟某印敷所縻不獲躬至松楸  
之下謹以少師太師黃告二通俾弟某上冢以告

白茆焚黃祭文

某勿被慈教致叨儒科入朝踰年遂瀛兩地季春之  
月以階遷中奉繼有北門西府之除再旬之內三進  
國封恩渥重仍增賁幽壤重惟菽水之養莫報劬勞  
想象音容罔極增痛雖松楸不遠而繫官有守不得  
詣前謹以慶國魏國楚國夫人黃告三通遣男掇上  
冢以告



白茹焚黃文

某與樞輔政方耀滿盈復拜設恩遂路相位願惟非  
據實自慈訓祿養不伸罔極增痛聖代渥典渥賜卹  
章大國舊封益光新澤繫官有守展慕無階

柳州焚黃文

某資稟凡庸無足比數遠藉慈蔭浸窈官榮掌樞秉  
鈞再膺卹典顧唐松楸邈在它邦有子有孫弱不可  
遣展掃弗虔有負顯報

家廟祭考妣文

滄津之北基我先君南遷不返齎恨泉下布祿治礎

遺訓在耳歷載二十始遂肯堂之志會有松山之命  
不克俟落成而去家廟居中實存乎澤敬惟鑒佑孫  
曾保之

家廟祭祖考文

某罷政還鄉始獲卜築以遂先志謾思遷及懷會稽  
之章就道有日不克俟落成而去新此楹礎永薦觝  
鼎敬惟鑒知益盡其後

家廟告高曾祭文

滄津之基發自慈訓前歲歸里始獲肯堂斤斧未休  
徃鎮禹會勾祠得請茲克奠居家廟虔中式報遺蔭

永期燕妥益燾後人

故縣焚黃文

某頃叨秉鈞朝廷推教忠之澤以光稱廟始荒邾子之圖去夏邁階遷中奉復進淇奧之封暨逢郊禋遂徃大名之壤仰惟盛德燾後卹典便藩而風木纏悲罔極何報茲因冬朔併舉黃告三通燎于墓下

滎潭焚黃文

某往歲當軸去冬遇郊再霑恩榮以顯祖武故祖考自亞傅而冠三孤祖妣自莒國而進衛國茲因辰墓謹以黃告四通燎于祠下

金山焚黃文

某以庸常之材昨流光之慶往年當國再有卹典以賁泉隧還鄉未幾迫于守越故三少之命未及燎黃茲因冬祭敢告于墓下仰惟明靈鑒此褒章

辛郊滎潭焚黃文 同景嚴

國家恩厚輔弼難去位遇郊猶得崇報于祖廟某等憑藉德蔭饗此官榮双奉卹章獲伸繩武之孝祖考繇帝保而躋帝傳祖妣則有大國之封冬朔掃冢敬以黃告三通焚于墓下惟靈其鑒之

故縣焚黃文

其憑藉德澤奉祠佚居過此郊裡慶延兩世惟我顯  
考位極帝師雖封國尚有秦壤而怨家之姓也不敢  
以污粟主之神故仍用舊邦復受新渥維冬之朔敬  
焚黃告仰惟明靈其鑒之

白茆焚黃祭文

恭惟母氏裂全魏之封今九年矣某需被慈蔭而以  
郊需俱仍舊國再開新渥身帶遠鄉既不得展掃丘  
壠而燎燭黃告人不以時茲因男掇赴調入浙始得  
白于墓下泚筆以浹惟靈其鑒之

祭余文特文

惟君粹然之質豈然之和結交四海白圭不磨少年  
逸氣已凌虹霓仕路連蹇晚得一麾彼蒼者天何者  
尼之甫出都城即以疾歸一室八年藥裹不離我治  
盤洲君好苔竹蒼頭手與花下追逐跼跼學步指擬  
亨復水閣一觴月亭一曲投醪耐久惟日不足信宿  
不面已飛子服情話盟寒佳城遂卜感傷陳迹淚若  
驚瀑

祭樞弟文

嗚呼親則手足義則友朋少小同志刻苦臆螢聯中  
科目濶步蓬瀛繼踵詞禁遂陟樞衡自昔監郡始相

契濶三十年中少會多別細數從容七十其月園池  
相望苔竹蒙密對酒賦詩曾無虛日逮康之歸恨君  
有疾日望藥喜杖策可必天乎不仁服烏入室鐺脚  
情話今析其一悲苦填膺傷感陳迹醉此一觴淚吞  
泉出

樞弟周祥祭文

嗚呼終天之訣于今旬歲想象生平屢飛清淚風梗  
鶴原暮景憔悴傾此一觴悲在心髓

樞弟大英祭文

嗚呼生死之隔忽其三年追思友愛陳迹依然松檜

成列日迫新阡靈輻將啓丹旒翩、隕淚漬酒痛橫  
北原

祭萊國葬事文

嗚呼幽明路隔倏其三年尚想往昔鯨魚自憐羅列  
芻靈將捐松阡輦車一酌淚如流泉

諸子

鴟鳩均一大哉母道棘心天、劬勞曷報日月交馳  
三食新稻泣血一觴魂飛宅兆

盤洲文集卷第七十三

盤洲文集卷第七十四

行狀一

先君述

先君諱某字先弼饒州人曾祖諱某祖諱某贈中大夫皇考諱某通直郎贈右太中大夫妣太碩人董氏先君登政和五年進士第主台州寧海簿會令去攝其事民舊苦市絹不均先君始令物力百千者賦一匹大姓王隆多買田不受稅歲總五十匹至是數增三倍餘以次定賦蠲貧弱者四千八百戶李氏富而勳家藏妖書號二宗三際經時節集鄰曲釀香火祀

神元未嘗習也姦人詭入伍中通其女既泄即告縣  
逮送獄先君入食有小吏偶語喜甚詰之曰李氏輩  
賂錢五十萬故喜先君曰是下獄屬耳而賕吏若此  
可緩乎即呼囚庭下委曲問情得并告者平決之吏  
駭顧失色方臘反台之仙居民應之蹤捕反黨及旁  
縣一日驅菜食者數百人至縣丞尉皆曰可殺先君  
爭不得丞尉用賞秩不踰年相繼死皆見所殺為厲  
云拜南京國子博士未上賊犯杭州經制使陳公亨  
伯檄主餉奏功遷宣教郎為秀州司錄事宣和六年  
秋大水田不沒者什一流冗塞路倉府空虛無賑救

策先君白郡守以荒政自任悉籍境內粟留一年食  
發其餘糶于城之四隅升損市直錢五戒米肆揭買  
于青白旗上巡行無時扶其旗靡者皆無敢貴糶不  
能自食者官三之立屋于東南兩廢寺十人一室男  
女異處防其殺偽澠黑子識其手東五之南三之負  
爨然沒有賤民羸不可杖有侵牟鬪鬪者乱其手文  
逐之皆帖々畏伏借用所掌發運名錢；且盡會所  
東綱常平米斛四萬適城下先君遂吏鑠津柵諭守  
使截留守喋不肯曰此御筆所起也罪死不報先君  
曰民仰哺當至麥今臘猶未盡中道而止則如勿救

寧以一身易十萬人命訖留之居亡何廉訪使首王  
存竭至郡曰平江哀號訴飢者旁午此獨無有何也  
守具以對印延先君如兩寺驗視既肅然無出聲孝  
竭曰吾嘗行邊軍政不過是也違制牴罪得為君脫  
之且厚賞呼吏草奏先君曰免戾幸矣安所賞但食  
猶未足公能終惠復得二萬石乃可孝竭以聞宋如  
請而得至麥秋民相携以歸前後所活九萬五千餘  
人州人既不死凶年先君出無不手加額呼為洪佛  
子累官朝散郎丁天中憂還鄉奔喪太碩人年七十  
矣與弱孫在秀諸卒以城叛鹵掠無一家免過門皆

曰此洪佛子家也母得入賊平先君還過臨安時苗  
傳劉正彥出逃未伏誅上將遷狩建康先君上疏言  
今內難甫平外敵方熾若輕至建康恐金人乘虛攸  
軼宜遣近臣先往經營底事告辨鳴鳶鑿未䟽也時廟  
謨已定不能從既而悔之上問宰輔近諫移蹕者為  
誰今安在丞相張和公時知樞密院以對過秀邀先  
君至平江欲以為部使者招二凶適捷書至乃止將  
辭歸和公曰呂丞相欲見君即遣直吏介謁俄有旨  
召見時方墨衰絰丞相脫巾服衣之既對上以國步  
艱難兩宮遠狩為憂先君極言天道好還裔夷安能

久陵中夏此正春秋邠邠之後天其或者警晉訓楚也所言反復當上意上曰卿議論縱橫熟于史傳有專對之才朕方擇使無以易卿先君以母老父喪懇辭不許擢徽猷閣待制遷五官假禮部尚書為奉使大金軍前使令與宰執議國書先君欲有所易輔臣護其文不喜遂抑遷官賜告一日歸別先君持太碩人拜且泣時長子适甫十三歲逝以下皆襁葆呱呱有別行路不能仰視先君弗子也淮甸賊盜起兼准南京東等路撫諭使俾李成以兵護至南京成乃古與耿堅圍楚州以責其降虜為名實持叛心先君遣

書抵成、曰汴泗虹有紅巾非五千騎不可往軍食絕不克惟命先君聞堅可撼陰遣說之曰君越數千里赴國家急山陽縱有罪當稟于朝今糧兵攻圍名勤王實作賊爾堅意動遂強成歛兵先君行未至泗境謀云有迎騎介而來副龔璫曰事叵測虎口渠可入送兵亦不肯前先君不得已遂返即上疏言李成以朝廷不撫卹稽餽饒有引眾納命建康之語今新賽據揚州薛慶據高郵萬一三叛連衡何以待之乃含垢養晦之時宜選辨士諭意優進官秩畀以京口網運如晉明帝待王<sub>名柳</sub>可也跋奏上遣閣門宣贊舍



人賀子儀撫諭成給米五萬石令第將士名馳息初  
先君成所遣吏頭疏從中出乃詣政事堂白副封時  
方禁直達忤宰臣意以託事滯留降承議郎許出滁  
陽路張守忠李貴嘯頴上道益梗提舉官范渙張銳  
嘗招尉之旋復亂先君至順昌聞賊有至近知以牛  
驢市物者約與相見譙門下先君晚譬切至曰自古  
無白頭賊！踈寤請歸報其渠逆為書至其窟穴守  
忠貴聽命率所領入宿衛守忠初名俊入朝賜今名  
李貴即俗所謂李閻羅者先君間關至太原留幾一  
年虜遇使人禮益削及至雲中大酋粘罕迫遣與副使

官偽齊先君曰萬里銜命不得御西宮以歸大國度  
不足以有中原當還諸本朝迺違天以奉逆豫！可  
磔萬段顧力不能忍事之耶今留亦死不即豫亦死  
偷生狗鼠間甘鼎饕不悔也粘罕怒命壯士擁以下  
執劔夾承之先君不為動旁貴人喟曰此真忠臣也  
止劔士以目為懇請粘罕怒少霽遂流逆于冷山與  
假吏沈珍隸卒兵德克起張福柯辛俱副使至汴受  
豫命知息州流逆猶中國編窳也雲中至冷山行兩  
月程距虜二百餘里地若寒四月草始生八月而雪  
土廬不滿百皆陳王悟室聚落悟室使誨其八子或

一年不給衣食盛夏至衣糲布番課四隸採薪它山  
嘗久雪薪盡至乞馬矢煨麩而食紹興二年使者王  
公倫歸為上言之即下秀州存問家屬賜銀絹二百  
疋未冠得監南嶽廟先君辱子悟室十年多為詩文  
以諷皆憂國傷時語悟室嘗得獻取蜀策持以問先  
君先君歷陳古事梗之悟室銳欲吞中國曰孰謂海  
大我力可乾但不能便天地相拍爾先君曰兵猶火  
也費戢將自焚自古豈有四十年用兵不止者又數  
數為言所以來為兩國大事今既不受使迎令深入  
教小兒兵交使在禮不當執悟室或應或否一日大

怒曰汝作和事官却口硬謂我不能殺汝耶先君曰  
自分當死願大國無受殺行人之名此去蓮花潔三  
十里使之乘舟一人蕩諸水以墜淵為言可也悟室  
義而止兩宮蒙塵五國城嘗遣私人奏書并獻胡桃  
梨修粟麩諸物兩宮始知趙氏中興永祐陵諱聞先  
君北鄉血泣旦夕臨後遇諱日即燕山開奉寺為文  
以薦其略曰故宫為禾黍改館徒饋于秦宇新廟游  
衣冠招魂但歌于楚此雖置河東之賊莫止江南之  
哀遺民失望而痛心孤臣久繫惟歐血又云盛德之  
祀傳百世以無窮在天之靈繼三后而不朽故臣讀

之無不掩涕虜已遣使約和悟室問所議十事先君  
條折之甚至曰封冊是虛名年號本朝自有金三千  
兩景德所無東北宜茫蠶大國有具地矣絹不可增  
也至于取淮北人搖民害計本朝必不可景德之盟  
南北所得人皆不取載書猶在可覆視也悟室曰吾  
國欲取投附人誅之以懲後何為不可先君曰昔魏  
侯景奔十三州地歸梁二武帝欲以易其姪蕭明于  
魏景遂作亂陷臺城什而帝中國所監決不相從悟  
室稍悟乃曰汝性直所言不誑我吾與汝如燕遣汝  
歸議遂行所存沈珍立德党超三人既而莫以將北

來議不合因涿州事復變道達鞞帳其酋聞洪尚  
書名爭邀入穹廬出妻女胡舞舉渾脫酒以勸到燕  
一月越王兀术族悟室黨與坐死數百千人獨先君故  
與持論身幾死數矣兀术知之故得免燕人重先君  
執節爭持酒食相勞苦先君間行塵市物色謀者得  
趙德書機事數萬言藏故絮中以歸曰順昌之後虜  
震惧喪魄燕之珍器重寶悉從以北意欲捐燕以南  
棄之王師亟還自失機會雖再躡河南後必更成具  
以悟室問答語并兩宮諸王主所居報上是歲紹興  
十年也明年夏求得

皇太后書遣卻武男子李微來上大喜因御經筵謂  
講讀官曰不知太母寧否幾二十年雖遣使百輩不  
如此一書遂官李微其冬復以書曰虜已厭兵勢不  
能久異時以婦隨軍今不敢携朝廷不知虛實早辭  
厚幣未有成約不若乘勝進擊再造猶反掌尔所取  
投階人只欲保守江南歸之可也獨不監侯景之禍  
乎若欲復故疆報世讎不宜與胡銓封事此或有之  
知中國有人益生惧心張丞相名動殊方可惜置之  
散地并問李趙二相安否獻六朝御容  
徽宗御書其後和定

祐陵

太后歸

先報凡四年中以文書至者九數陳軍

國利疾謂施行之則宗社生靈之福留中皆莫得聞  
先君言無隱情歸國以此觸罪諸子惧深禍過庭不  
敢一問北事故忠謀秘策不詳得獨係帛書所存大  
略如此嘗有旨以先君母老賜錢百萬又與將仕郎  
恩澤五人它賜予者三叅知政事万俟公出疆上知  
先君急閔命其副特將賜金帛十二年二月适遵濫  
登博學宏詞科宰臣以所試制詞進讀上顧姓名問  
曰是洪某子耶父在遠能自立此忠義報也可與陞

擢差遣故遵除秘書正字适為刪定勅令官繼亦改  
秩入館自博學宏詞改科即除館閣自遵始次月宰  
輔賀

皇太后有來期上曰洪某身陷虜區乃心王室忠存  
之節久而不渝誠可嘉尚某之二子並中詞科亦其  
忠孝之報也士大夫苟能崇尚節義天必祐之先聖  
福善禍淫之訓于某可以見矣語在慈寧宮迴鑿事  
實初宇文虛中既換虜官欲扳先君分譴乃力薦于  
虜庭換光君為翰林直學士力辭獲免虛中為詳定  
禮儀使始造赦其文復反搜授先君訴虜相韓防乞

于真定或大名養濟圖逃歸計昉怒虛中贊其決遂  
換中京副留守復力辭昉大怒降留守司判官為承  
德郎趣行者屢矣誓以死不就職虜法雖未標官曾被  
任使者永不可歸虜欲以計墮先君令校雲中進士  
試使者監上道先君日損食陽為有疾狀既至謂院  
官曰今取士以詩賦吾故學經耳曰豈不能出語策  
士乎考官孫九鼎有大學者奮以為疾聞得回燕虜  
議遣奉使人各還其鄉因赦及之它使者幸稍從多  
占進北無敢言淮以南者先君實以饒州聞張公邵  
朱公弁亦自言私徽州人既議和還淮以南使者

故先君三人在遣中用事者多曰此等人若放了幾時更有今不留後必為我患歸計屢欲變叅知政事王公使至燕光君得虜陰謀從坡上典館中人語為留守易王所獲對吏將馳流星騎上其事副留守渤海人高吉祥素嘉先君忠委曲護出之且易以它牘先君行月餘方以元牘奏垂入境追者七騎至及諸淮則在舟中矣至盱台以奉使無狀自劾上方以來歸為喜報無罪可待日以御札迎覲既至闕登時見內殿奏事罷力求鄉郡養老母上曰御忠貫日月志不忘君雖蘇武不能過豈可捨朕去也賜內庫金帶

鞍馬既又以馬驚復拜賜又賜御銘盾制三百兩帛五百匹象齒三百斤繇香酒茶使日踵門咨訪宸章沓至且諭旨將柄用

皇太后之歸也遇燕先若冒禁朝為至陛對明日即召之慈寧殿已設簾

皇太后顧帝人吾故識尚書矣命徹之問勞優渥語必稱尚書賚予你道東朝封外庭臣惟先君一人見宰相叅檜肆言無所避弥三日不休曰張丞相虜所尊憚乃不得用錢塘暫蹕而景太廟極土木之工示無中原耶語侵秦皆類此秦語迨曰尊公信有忠

節得上眷但官職如讀書速則易終而無味要當如  
黃鐘大呂乃可閱九日進徽猷閣直學士提舉萬壽  
觀兼權直學士院虜來取趙彬筆三十家先君疏言  
昔晉韓起謁環于鄭小國也能引証不與虜既恨  
淮臣官屬皆吳人留不遣蓋慮知其虛實情偽也彼  
方困于蒙兀姑示強以于國若遽從之彼將謂秦  
無人而輕我矣後三日復上疏言或以不與之故致  
渝盟且曰俟

淵聖皇帝反皇族歸乃遣又言王倫郭元邁輩以身  
徇國棄之不取緩急何以使人辭益剴切經進進故  
實引楚平王止子旗代吳事因言吳取州來楚弗與  
校撫民治國五年而後用師今淮右之民勞罷流散  
宜時使薄斂勿令轉徙無告中興急務也秦益不喜  
初虜圍楚州义不下時秦留粘罕所虜使之草檄諭  
降有空撚者在軍知狀先君與秦語及虜事因曰憶  
室撚否別時託寄聲秦色變而眾明日侍御史李文  
會論先君在朝必生事遂出知饒州時太碩人春秋  
八十有五畫錦鄰下學士大夫崇之明年大水秦方  
鉗天下舌不得言中官曰鏐從  
皇太后北歸者宣告燮理垂鑿洪尚書名聞華夷顧

不周秦聞繫錮大理獄成錮寔不識先君特以虜中  
知名故錮既流領海諫議大夫喜大方指先君與錮  
刎頸交更相稱譽遂提奉江州太平觀未幾丁太碩  
人憂先恨幸久使事承顏閔養空囊中辦大奠一椽  
椽一石心營指授終日挾杖與工儻等勞而御史中  
丞何若犹論先君為暉眈鈞衡謀不靖者昭除復得  
太平現州通判李勤與太守王公洋同僚陳公之淵  
積不相通且幸以許進誣先君作欺世飛語王陳與  
聞之有雅憎先君者從中寔其事殿中侍御史余克  
弼以為言王陳罷去先君責濠州團練副使安置美

州既至得僧舍數楹于黃茆叢竹中居之泊如地產  
奇石造僮羸狼幽討羅列四壁下手斧鑿晝運夕丁  
東其間閤人倪譽老矣以承務郎守郡自謂秩卑無  
輿主聞新興守以巧中遷客取使節意躍然效之鈞  
先君為奇貨使主兵官左右狙罅隙捕鍛家奴獄中  
欲持一兩事釀成罪以梯已未及發譽死其後從居  
城北山中仍年谿漲通衢沒其棟先君容郡人避水  
扶羸老稚填溢堂廡幾千指皆廩食之數日水退然  
後去先君半世朔庭入翰林不旬浹餘還鄉三秋執喪  
之日過半屏從屬土嵐毒侵滯無珍膳良藥自輔二



年而瘴作蓋十有八日不食惜不知人嘗少寤口占  
秀州故定事授諸子呼天請命夜夢之帝有所宣赤  
章云二者詰朝即能食至于復初後二年乃卧未疾  
謫九歲始復左朝奉郎主台州崇道觀居袁州未踰  
嶺疾革以二十五年一月二十日薨于南雄後一日  
秦亡訃至輔臣入奏上嗟惜久之即復敷文閣直學  
士制曰有功見知聖人醜于用賞不幸而過君子為  
之動心矧予嚴近之臣脩載忠勤之績眷倚方渥愛  
憎隨心生坐一肯以投荒積九年而不能從人無言者  
朕甚念之洪某學有本源氣存剛大惟知忠力以衛上

不顧險夷之在前銜君命以干征厄海濱而不悔誠  
貫白日聲震四方義重于生耿恭無玉門之望天將  
悔禍蘇武持漢節而歸大節無虧多言不宥遂解禁  
林之直卒還瘴嶺之南閱歲滋深餘齡可憫宜畀其  
祠之逸仍增延閣之華尚對龍光歸安鄉社自聖上  
躬萬幾還逐臣非罪者先君適以不起聞而聖意哀  
厚首得舊物使及其生存時而寵之故訓詞惻怛如此  
遺奏未至特詔贈四官推遺致官恩別以一孫官江東  
漕司庀襄事先君少英儻有奇節以諸生待庭試京  
師伯父給事往南床王黼為中執法慕先君為人歆

女以女弟給事以同臺故曲為平章先君懇拜曰婦  
所以事舅姑也家素壁立今暴得一官乃令昂貴荐  
女身得計矣如父母何暨擢弟朱勗復請昏資數萬  
計且啗以顯仕拒尤力朱不獲命嚮榜中周審言壻  
之及周直內閣服金帶為秀州守先君迺在幙下人  
為先君惜之視之蔑如也使虜得修職即四人時有  
六子獨迨豫名三以官弟姪且乞以一弟暉奉甘旨  
故暉起布衣奪哀為秀州判官凡弟姪及姊妹之家  
以先君入官者七人庶弟孤姪雖多力為謀昏對前  
後賜物班內外之親無餘贏不為問舍求田計窻窅

即功始假貸有一壚未及穫而貶已貶猶歲割粟以  
贍親之貧者亟自奉惡衣糲食不擇初撫諭京淮降  
空名告身二十通以便宜賞功存其半或求竄名却  
弗應對以還尚書

懿節皇后之姨高氏與其夫趙伯璘隸悟室戲下貧  
甚先君厚賜之范蜀公之孫袒平虜不以為管傭奴  
之死君使以東坡所為蜀公銘白曰我官人也虜曰  
東坡書之不疑矣即釋之先君資以歸裝貴旅有流  
于黃龍府優籍者二人先君囑副留守趙倫除其籍  
劉公光世之庶女少醜在虜豢豕為贖以重價求匹

偶衣冠之家略為人奴者贖之數十人張待制字發  
自蔚州死雲中先君過荒寺見其襯携之至燕山授  
其僕鍾禹功使葬司馬侍郎朴握節以死居數年無  
有能明之者先君為陳本末詔以忠節顯著贈兵部  
尚書其歸也北人治錢具幾月後使者至虜多問先  
君今何官居何地先君天性强記書無所不讀雖食  
不釋卷釋官小說六暗誦連數千言宣政間春秋之  
學絕先君獨窮遺經貫穿三傳在冷山摘褒貶微旨  
作詩千篇北人抄傳誦習欲刻板于燕先君弗之許  
于姓氏尤精官制部日使者胡公直孺嘗問祖之所

自出先君曰姓書以胡為陳胡公之後陳媯姓也若  
以謚為氏齊亦有胡公豈獨陳乎蓋胡自有兩祖春  
秋有胡國嘗以女聘魯襄公經書夫人歸氏薨則胡  
以國氏歸其妹也今為安定國胡氏晉胡奮其後也魏  
孝文入洛改功臣後姓以紇骨氏為胡今所為河南  
胡氏者是也同列董公將戲曰董亦有兩祖耶曰昔  
颺叔安之裔子董父善擾龍帝舜賜姓曰董封諸驩  
州驩夷其後也又辛有之二子董督晉典晉于是有  
董史因為董氏董狐乃其後也二公嘆服善琴奕好古  
能別三代彝器見書畫不計值必得之乃已有書萬

餘卷名畫數百卷皆厄兵燼居窮絕域獲訪求因載以歸四夷附錄所載西瓜先君持以獻故禁圃及鄉圃種之皆碩大西瓜始入中國有文集十卷春秋紀錄三十卷輜軒唱和集三卷帝王通要五卷姓氏指南十卷松漠紀聞二卷金國文具錄一卷先君剛直言不誠不發雖與人尺牘無一字過譽有膽略遇大事敢以為平居慷慨有經略四方之志常語諸子曰在北方久料之孰矣今其勢日削可以憑軼取之過河朔時見父老指其子孫云是皆生長兵間已二十餘矣不知有宋我輩老且死恐無以係思趙心不幸大

忤時相挫抑顛沛天不假齡齋志沒地諸孤不孝不及見其成大功名也蒼天蒼天安所聲痛先君自為從官不報考功課故官止朝散即以贈至大夫職至徽猷閣直學士爵至鄱陽郡開國侯食邑至一千一百戶壽至六十八娶沈氏左太中大夫復之女封碩人初先君眷戀庭闈不忍去太碩人以移孝顯親諄諄勉之且曰婦孝足以寧起居切毋以我老閨念既越疆胡馬益南牧音郵絕不相及太碩人倚門積憂幾罷寢食碩人左右虞侍極意順適致太碩人康寧及見先君之歸其擇師教諸子則不遠千里拊妾侍

盡思紀愛其出隆于己生叔妹娣姒細鹿柔剛不同  
一切得其歡心中外語婦德之最必以為法即世五  
年先君始還以不見為戚故終不忍復娶洪氏始居  
樂平之金山自魯祖府君種德重義以氣節聞于中  
大夫蚤世二孫幼府君慨然思所以成立計即挈諸  
城中訪先生之賢力教之因占籍鄱陽長孫諱彥昇  
起居家遂給事中太中雖不遇至先君益顯八男子  
迨左奉議郎主管台州崇道觀遵左朝奉郎秘書省正  
字兼權中書舍人邁左宣教郎通州袁州廵右宣義  
郎徽州婺源縣丞遜右承務郎僉書連州判官事遜

右承奉郎江西安撫司准脩差使遜未仕四女子  
嫁左從政郎池州建德縣令余執度右迪功郎潭州  
湘陰縣主簿王馭將仕郎臧棟一尚幼孫男十一人  
視右迪功郎江東轉運使准脩差遣秘修樞栒楹楹  
櫟棹櫓相女九人初先君既得合葬于滄潭去五里  
所其鄉曰和風南管得故縣之原瞻愛其山川呼畚  
鍤畫墓位曰吾百歲後必于斯從二親不遠矣薨之  
明年孤迨等慟哭行所卜問叢辰五行家曰十一月  
丙申吉將以其日藏事忍死紀實求立言君子大書  
且以脩太史氏采擇云紹興二十六年一月二日孤

某等泣血書

盤洲文集卷第七十四



